

Число 1.

Ужгородъ 1. януара 1926.

Ро^чникъ VI.


БІЛОРІСТНИК

Да бсі
єдінно
б'єдуть

Ів. 31, кв.

Царствует
е собою
хъ Всесвѣтскому
Духу

Для подк. ючинов



„Свой до свого!“

„АКОРДЪ“

ПЕРША РУСЬКА ФАБРИКА
ЗВОНОВЪ ВЪ УЖГОРОДЪ

Найлѣпшѣ звоны править перша
руська ліярня звоноў „АКОРДЪ“
Капиталъ создали сами наши люде.
Она заряджена по найновѣйшой
техницѣ и ведена перворядными
фаховцями. Мѣстности фабрики на-
ходяться около желѣзодорожной
станціи въ Ужгородѣ. Тамъ посто-
янно выставленъ образцовъ звоны.
! Найлѣпшій благородный металъ.!

Спеціальна марка „Акордъ“ „А“ и „С“ звоны. 10-рочна гарантія.

Замовленя просимо адрессовати:

„АКОРДЪ“, ліярня звоноў въ Ужгородѣ.

Канделларія: Ужгородъ, Капитульна улиця ч. 11.

Замовленя можъ передати и въ Подкарпатскомъ Банку.

Ново отворена

**КНИГОПЕЧАТНЯ
ОО. ВАСИЛІЯН
в УЖГОРОДѢ**

РАКІЧИ ул. 52.

*Допоручаетсѧ до тиа всѧх робот
в круг книгопечатаня входящих.*

Число 1. Ужгород 1. януара 1926. Рочник VI.

БЛАГОВІСТНИК

ДУХОВНА ГАЗЕТА ДЛЯ ПОДКАРПАТСКИХ РУСИНОВ

ПРЕДПЛАТА:

на рокъ . . . 12· Кч.
за границю . . . 20· Кч.
до Америки . . . 1· д.
Одно число 20 гел.

Выходить разъ на мѣсяцъ

Адресъ:
Редакція: Kapitulska ulica č. 10.
Администрація: Монастиръ О.О.
Василіян, Ужгородъ, Раковци 52.

ОБЯВЛЕНИЯ:

принимаються по цѣнѣ:
за одну стор. . . . 200 Кч.
за половину стор. . . 120 Кч.
за четверть стор. . . 65 Кч.

Миръ всѣмъ!

Роздво е праздникомъ любви и миру. Коли Христосъ народився, ангели изъ неба спѣвали: Слава къ кишинику Богу и миръ къ члоп'їцькому благоволенію. Одъ того часу христіяне на праздникъ Рождества Христового одложать всякий гнѣвъ и споръ и въ мирѣ, въ спокою радуються тому, что народився на свѣтъ Спаситель міра.

Бо изъ гнѣву, войны, борьбы уже доста было намъ. Не давно минуло страшное кровопролитіе, а за нимъ пришла борьба религійна. Діяволъ разсѣявъ меже нами съмѧ несогласія и вражды въ вѣрѣ и поставивъ брата противъ сестры, отца противъ сына, мужа противъ жоны, русина противъ русина. Одъ коли подъ маскою „православія“ прибывъ до насъ сей религійный большевизмъ, одъ того часу не е у насъ спокою, мира, згоды, лишь ненависть, битка и несогласіе. О! Радуєся теперъ діяволъ, что удалось ему поколотити Христово царство на Подк. Руси! Е велика радость въ царствѣ сатаны, что вѣрники Христа блються меже собою, лльє ся христіянска кровь и въ церквахъ Всевышнього зневажаютъ Христову вѣру.

Въ сихъ тяжкихъ, діяволскихъ часахъ каждый вѣрный христіянинъ мае гадковати на себе. Бо діяволъ ходить, якъ левъ рыкаючій и глядае кого мoggъ

бы поглотити. Вѣрный христіянинъ мае чисто видѣти въ сей колутнѣ, что мѣшається теперь въ нашей краинцѣ. Мае видѣти чисто, что схизма не принесе для него жадного блага ни земного, ни небесного.

Ни земного, бо забрати фарскѣ и церковнѣ землѣ и такъ не дозволяє свѣтскій законъ. Суть села, где уже больше якъ 5 роковъ запановали схизматики, а мимо того выгнала ихъ свѣтска власть и передала законнымъ властителямъ. И теперь, коли въ цѣлой республицѣ укрѣпилася христіянска партія маеме повну надѣю, что всѣ церкви навернуть намъ и розагитованымъ схизматикамъ зостануть лишь огромнѣ процесовъ выдатки и кошты будованя новыхъ церквей для себе.

Або якого душевного хосна мають схизматики изъ того, что потоптали свою вѣру, въ которой родилися и одступили одѣ священниковъ, котрѣ ихъ крестили? Ци много доброго и спасительного научаться одѣ тыхъ батюшокъ, котрѣ вчера еще свинѣ пасли або пастухами и пр. были, а теперь проповѣдниками и апостолами Христовоѣ науки ся стали? Ци поднялося хоть въ одномъ селѣ религійное и побожное житя, где батюшка зъ казательницѣ лишь гнѣвъ, ненависть и блудъ проповѣдує?! И ци спокойна е совѣсть одступниковъ, коли подумаютъ на страшный рахунокъ передъ Божимъ судомъ, одѣ кого одступили про роковину, про політику або за Юдинѣ грошѣ?!

Нѣтъ не е въ схизмѣ мира и спокою!

Зато стережѣтися ревнѣ вѣрники Христа и обходить зъ далеку тыхъ людей, котрѣ васъ обманюють на одступнице. Правдивый миръ и спокой Христось лишь своимъ гѣрникамъ дарує, котрѣ зостали вѣрными его словъ и приказовъ, а одступниковъ карає туземнимъ и вѣчнemъ проклятіемъ, если не покаяться.

Въ кождомъ христіянскомъ домѣ повинна читати ся газета „Благовѣстник“. Ось не только обороняє и укрѣплює вѣру, но одновременно ширить христіянскій духъ и культуру.

1926. рокъ.

„БЛАГОВѢСТИКЪ“

Сторона 3.



Стойте въ вѣрѣ!

Дня 6. іюня 1925 года загнавъ до редакціѣ „Благовѣстника“ якійсь Георгій Михайлюкъ изъ Рахова довгій листъ, въ котромъ просить насъ, чтобы мы дали ему отвѣта на поставленѣ нимъ вопросы. Самъ каже о собѣ, что „онъ грѣшный рабъ Божій и вѣрный нашей святой Греко-Римской вѣрѣ“. Георгія Михайлюка близше не знаеме, кто онъ, но хочеме вѣрити, что онъ по правдѣ есть вѣрнымъ сыномъ св. Христовоѣ истинної Церкви и давбы Господь милосердний, абы якъ членъ избранного Христового стада зойшовъ зъ сего свѣта. Мусиме однакъ зазначити, що у его головѣ не дуже всьо ясно, як се слѣдно изъ его вопросовъ. Сихъ вопросовъ е въ его письмѣ ажъ 41. Намѣшавъ онъ тамъ всякоѣ всячины якъ горохъ зъ капустою. Неразъ по колька разъ звѣдується про то само. Та мы ему не дивуемеся и радо выбачаеме, бо вѣдавъ не изъ злѹ волѣ се здѣлавъ.

На поставленѣ вопросы дуже вдячно даме отвѣты, не про се, як бы мы боялися, что „ажъ не пришлеме отвѣтовъ, тогда все, что пишеме у Благовѣтнику, зъ того будуть лишъ смѣятися кацапы и схизматики“ (якъ насъ наївно страшить Георгій Михайлюкъ), але за про сесе, чтобы розяснити правду, котра не боиться ни смѣху ни злобы, не то схизматиковъ и кацаповъ але и самого діявола. „И оұраз8м8кете Істин8 и Істина ск8водит8 в8“ (Іо. 8. 32.), каже Господь Іисусъ. „Творл8 же Істин8 град8т8 къ скѣт8, да лвѣт8 дѣла его, яко ѿ Бозѣ с8ть содѣлана (Іо. 3. 21). Есл8къ дѣлали зламъ и не пак8дит8 скѣт8 и не приходит8 къ скѣт8, да не ѿблічат8 дѣла єгѡ, яко лж8ка с8ть“ (Іо. 3. 20). „Сей же єсть с8д8, яко скѣт8 прїде къ мір8, и козлюбнша ч8ловѣц8 паче тм8, неже скѣт8: кѣша ко йхъ дѣла зламъ“

(Іо. 3. 19.). Истина не боиться свѣтла, бо она сама е яснымъ, милымъ свѣтломъ! — Истина ходитъ правымъ, прямымъ путемъ, а не крутѣйствомъ и баламутою! И хотяй бы истину не то ви- смѣли, але и на кресть взяли, она не злякасся и не вернєся назадъ.

Поставленъ вопросы однѣ относяться до *вѣры*, другѣ до св. *тайнъ*, іншѣ до *обряду*, еще іншѣ до *церковного порядку* (дисциплины). Чтобы и раговскій Михайлукъ и нашъ честнѣ читателѣ легше могли зрозумѣти нашъ отвѣты, то будеме держатися сего порядку, якій мы поставили т. е. отвѣтовати будеме саме перше на тѣ вопросы, котрѣ доторкають *вѣру*, по семъ, что до св. *тайнъ*, послѣ того о *обрядовихъ дѣлахъ*, а на конецъ говорити будеме про *церковну дисциплину*.

Если бы кто еще дачто мавъ позвѣдатися, най напише до насъ, а мы вдячно даме отвѣта.

I. Вѣра.

1. Происхожденіе св. Духа.

Вопросъ 1-ї. „Наша св. греко-католицка вѣра, якъ испо- вѣдае мѣсто въ Писаніи, где ся говоритъ, что пошлю Утѣшителя вамъ Духа истины, который отъ Отца исходить, чому тамъ не говорить и „отъ Сына“, и утки наша Церковь узяла и „отъ Сына“, изъ котрого мѣста Писанія узяла?“

Доки даме отвѣта на сесь вопросъ, мусиме зауважити, что абы знати поясняти и зрозумѣти св. Письмо то треба :

1. Мати вѣ головѣ розумъ, а не полову.

2. Розумъ мае быти ясный, простый а *незасльплений дурною упертостю*. — Кто не мае розуму и то не засльпленого, сей изъ св. Письма ничего не дочитається. *Слѣпий*, хочъ и на сонце позирає, ничо не видить, *Сова* при соняшномъ ясномъ свѣтлѣ не може видѣти, хотяй мае очи. *Запамороченый горьвкою* не годенъ добре видѣти, хотяй и якъ широко розплющить очи.

3. *Не можъ уперто* держатися якогось одного мѣста св. Письма, якъ пяный держиться плота, але треба неотмѣнно по-позерати и на другѣ мѣста и высказы, бо они неразъ себе доповняють и поясняють.

4. Не свободно забывать, что одинокою непомильною учителькою и толкователькою св. Письма и обявленоъ Божъ истины есть *выключно* св. Церковь Христова, ся едина, свята, соборна (вселенска, каѳолическа), апостольска Церковь. Ей одной обѣцявлъ Іисусъ помочь св. Духа, котрый мае научити еѣ всеѣ истины (Н. 16. 13). До Христовой Церкви маеме ити по толковане св. Письма, а не кождый по своей головѣ и розуму

1926. рок.

„БЛАГОВѢСТИНИКЪ“

Сторона 5.

має пояснювати собѣ св. Письмо, як сего учивъ безбожный Лютеръ и теперѣшнѣ протестанты всякого покрою.

5. *Не все, что Господь Богъ намъ обявивъ и что мы довжнѣ вѣрити, находится въ св. Письмѣ.* Евангелисты не списали все-го, что чули отъ Іисуса Христа, не списано тоже вѣсно, что про-повѣдали св. Апостолы. Все, что Богъ намъ обявивъ и что го-лосили Апостолы, хотяй и не записаное у св. Письмѣ, заховала якъ найцѣннѣйшое сокровище св. Церковь Христова въ своеемъ серцю и исповѣдуе сесь Божъ правды на зверхъ въ мѣру сего, якъ обстоятельства и потребы людскихъ душъ сего требуютъ. Кромъ св. Письма, обильнымъ жереломъ Божаго обявленія (откровенія) есть христіянское переданіе, се есть вѣра хри-стіянъ у Божъ правды, котра подъ окомъ св. Церкви перехо-дить зъ поколѣння на поколѣнне ажъ по нынѣшній день. И се переданіе учитъ насъ, якъ треба разумѣти многъ тяжкѣ мѣста св. Письма.

Запамятай же собѣ, брате солодкій и сестро, добре тыхъ пять рѣчий, неотмѣнно потребныхъ до сего, чтобы добре зро-зумѣти и разтолковати св. Письмо! Безъ тихъ пять рѣчей не дашъ собѣ рады и ис выйдеш на рядъ, хотяйбысъ днями и но-чами сидѣвъ во св. Письмѣ, якъ червакъ у хрѣнѣ!

А теперъ уже послухай отвѣта. А добре мѣркуй, ибо се дѣло не такое легкое, чтобы першій лѣпшій свинопасъ, а те-перь батюхъ, брався его разяснювати.

1. Св. Церковь Христова добрѣ знае и разумѣє то мѣсто св. Письма, где Іисусъ Христосъ обѣцює послати св. Духа: „Егда же приїдетъ оуткшитель, єгоже йзъ послю вамъ отъ Отца дѣхъ Істини, йже бѣхъ Отца исходитъ, той скидѣтъ съ мене (Ік. 15. 26.). Ось видишъ, брате солодкий, самъ Іисусъ Христосъ пояснює, что слово „йже отъ Отца исходитъ“ не треба разумѣти *выключно* такъ, якъ бы Духъ святий походивъ *лишь* отъ Отца, а отъ Сына нѣтъ, бо ачай выразно каже про него: „єгоже йзъ послю вамъ ѿ Отца“. Того самого Духа, который по-ходитъ отъ Отца посылає намъ Сынъ Божій. Еслижъ Духъ *посланый* отъ Сына, то исходить *тоже* отъ Сына, такъ якъ исходить отъ Отца. Та треба мати разумъ, чтобы зрозумѣти св. Письмо и треба хотѣти его разумѣти!

2. Св. Церковь знае одначе еще и другѣ мѣста св. Письма, въ которыхъ Іисусъ Христосъ еще яснѣйше пояснює, что св. Духъ не лишь отъ Отца, но и отъ Сына происходитъ. У великий четверъ въ пращальной своей бесѣдѣ дасколько разовъ говоритьъ Божественный Спаситель про св. Духа. У св. Іоанна въ главѣ 16. въ стисѣ 7-омъ читаєме: „Онъ єсть камъ, да йзъ йдѣ: ѿще не ѹдѣ йзъ, оуткшитель не прїедетъ къ каму“. Ось знова каже Господь, что *пошли* св. Духа, такъ якъ въ главѣ 14. стихъ 26. каже, что того Духа „послать Отцѣмъ ко ймлю моему“. Если жъ св.

(Іо. 3. 19.). Истина не боиться свѣтла, бо она сама е яснымъ, милымъ свѣтломъ! — Истина ходитъ правымъ, прямымъ путемъ, а не крутѣйствомъ и баламутою! И хотяй бы истину не то ви- смѣяли, алс и на кресть взяли, она не злякается и не вернeseя назадъ.

Поставленѣ вопросы однѣ относяться до *вѣры*, другѣ до св. *тайнѣ*, іншѣ до *обряду*, еще іншѣ до *церковного порядку* (дисциплины). Чтобы и раговскій Михайлукъ и нашъ честнѣ читателѣ легше могли зрозумѣти нашѣ отвѣты, то будеме держатися сего порядку, якій мы поставили т. е. отвѣтовати будеме саме перше на тѣ вопросы, котрѣ доторкаютъ *вѣру*, по семъ, что до св. *тайнѣ*, поспѣ того о *обрядовихъ дѣлахъ*, а на конецъ говорити будеме про *церковну дисциплину*.

Если бы кто еще дачто мавъ позвѣдатися, най напише до насъ, а мы вдячно даме отвѣта.

I. Вѣра.

1. Происхожденіе св. Духа.

Вопросъ 1-ї. „Наша св. греко-католицка вѣра, якъ испо- вѣдае мѣсто въ Писаніи, где ся говорить, что пошлю Утѣшителя вамъ Духа истины, который отъ Отца исходить, чому тамъ не говорить и „отъ Сына“, и утки наша Церковь узяла и „отъ Сына“, изъ котрого мѣста Писанія узяла?“

Доки даме отвѣта на сесь вопросъ, мусиме зауважити, что абы знати поясняти и зрозумѣти св. Письмо то треба :

1. Мати вѣ головѣ розумъ, а не полову.

2. Розумъ має быти ясный, простый а *незасльплений дурною упертостю*. — Кто не має розуму и то не засльпленого, сей изъ св. Письма ничего не дочитається. *Сльпий*, хочъ и на сонце позирає, ничо не видить, *Сова* при соняшномъ ясномъ свѣтлѣ не може видѣти, хотяй має очи. *Запамороченый горѣвкою* не годенъ добре видѣти, хотяй и якъ широко розплющить очи.

3. *Не можъ уперто* держатися якогось одного мѣста св. Письма, якъ піаный держиться плота, але треба неотмѣнно по-позерати и на другѣ мѣста и высказы, бо они неразъ себе доповняють и поясняють.

4. Не свободно забывать, что одинокою непомильною учителькою и толкователькою св. Письма и обявленоъ Божоъ истины есть *виключно* св. Церковь Христова, ся едина, свята, соборна (вселенска, каѳолическа), апостольска Церковь. Ей одной обѣцявъ Іисусъ помочь св. Духа, котрый має научити євсеѣ истины (Н. 16. 13). До Христовой Церкви маеме ити по толковане св. Письма, а не кождый по своей головѣ и розуму

1926. рок.

„БЛАГОВѢСТИКЪ“

Сторона 5.

має пояснювати собѣ св. Письмо, як сего учивъ безбожный Лютеръ и теперѣшнѣ протестанты всякого покрою.

5. *Не все, что Господь Богъ намъ обявивъ и что мы довжнѣ вѣрити, находится въ св. Письмѣ.* Евангелисты не списали все-го, что чули отъ Іисуса Христа, не списано тоже всьо, что про-повѣдали св. Апостолы. Все, что Богъ намъ обявивъ и что го-лосили Апостолы, хотяй и не записаное у св. Письмѣ, заховала якъ найцѣннѣйшое сокровище св. Церковь Христова въ своеемъ сердцю и исповѣдуе сесь Божѣ правды на зверхъ въ мѣру сего, якъ обстоятельства и потребы людскихъ душъ сего требуютъ. *Кромъ св. Письма, обильнымъ жереломъ Божою обявленія (откровенія) есть христіянское переданіе, се есть вѣра хри-стіянъ у Божѣ правды, котра подъ окомъ св. Церкви перехо-дить зъ поколѣння на поколѣннѣ ажъ по нынѣшній день. И се переданіе учитъ насть, якъ треба розумѣти многъ тяжкѣ мѣста св. Письма.*

Запамятай же собѣ, брате солодкій и сестро, добре тыхъ пять рѣчий, неотмѣнно потребныхъ до сего, чтобы добре зро-зумѣти и розтолковати св. Письмо! Безъ тихъ пять рѣчей не дашъ собѣ рады и не выйдеш на рядъ, хотяйбысь днями и но-чами сидѣвъ во св. Письмѣ, якъ червакъ у хрѣнѣ!

А теперь уже послухай отвѣта. А добре мѣркуй, ибо се дѣло не такое легкое, чтобы першій лѣпшій свинопасъ, а те-перь батюхъ, брався его розяснювати.

1. Св. Церковь Христова добрѣ знае и розумѣе тое мѣсто св. Письма, где Іисусъ Христосъ обѣцює послати св. Духа: „Егда же прїдеть оуткшителк, єгоже йзъ послю вамъ отъ Отца духъ істини, йже бтк Отца исходитк, той скидктелкствуетк ѿ мік (Ік. 15. 26.). Ось видишъ, брате солодкий, самъ Іисусъ Христосъ пояснює, что слово „йже отъ Отца исходитк“ не треба розумѣти *выключно* такъ, якъ бы Духъ святий походивъ *лишь* отъ Отца, а отъ Сына нѣтъ, бо ачай выразно каже про него: „єгоже йзъ послю вамъ ѿ Отца“. Того самого Духа, который по-ходитъ отъ Отца посылає намъ Сынъ Божій. Еслижъ Духъ *посланый* отъ Сына, то исходить *тоже* отъ Сына, такъ якъ исходить отъ Отца. Та треба мати розумъ, чтобы зрозумѣти св. Письмо и треба хотѣти его розумѣти!

2. Св. Церковь знае одначе *еще* и другѣ мѣста св. Письма, въ которыхъ Іисусъ Христосъ *еще* яснѣйше пояснює, что св. Духъ не лишь отъ Отца, но и отъ Сына происходитъ. У великій четверъ въ працьальной своей бесѣдѣ дасколько разовъ говоритьъ Божественный Спаситель про св. Духа. У св. Іоанна въ главѣ 16. въ стисѣ 7-омъ читаєме: „Оуне єсть камъ, да йзъ йдѣ: ѿце бо не йдѣ йзъ, оуткшителк не прїдеть къ камъ“. Ось знова каже Господь, что *пошли* св. Духа, такъ якъ въ главѣ 14. стихъ 26. каже, что того Духа „послѣ Отцѣк ко ймлю моє“. Если жъ св.

Духъ походитъ отъ Отца тому, что Отецъ его посылає, то такъ само исходить и отъ Сына, бо и Сынъ посылає св. Духа. Але треба мати розумъ и добру волю, абы хотѣти се зрозумѣти!

3. „Егда же прїдется — читаєме у того же св. Евангелиста — онъ, лѣзъ Істинѣ, настѣвітъ вѣ на всѧкѣ Істинѣ: не ѿ се вѣ глаголати йматъ, по єлїка ѿще оуслышитъ, глаголати йматъ и грядюща возвѣститъ камъ: Оихъ мѣ прославитъ, яко ѿ моего прїйметъ и возвѣститъ камъ. Есѧ, єлїка йматъ Отѣцъ, м旣ъ сѣть сегѡ рѣди рѣхъ, яко ѿ моего прїйметъ и возвѣститъ камъ“ (Іо. 16. 13—15): Маешь, брате, въ головѣ розумъ, тожъ мѣркуй. Каже Іисусъ Христось, что св. Духъ „ѿ моего прїйметъ“, та не такъ якъ сотворѣня, котрѣ все приняли отъ Божого Сына (Ів. 1. 3.), але въ окремъшный способъ, отже черезъ происхожденіе отъ Сына, якъ и отъ Отца.

4. „Есѧ, єлїка йматъ Отѣцъ, м旣ъ сѣть“. — Отъ Отца происходитъ св. Духъ, отже и отъ Сына, бо производитъ св. Духа, что кажеся про Отца, есть питомое и Сынови, ибо Сынъ має всьо, что має Отецъ.

5. „Ізъ и Отѣцъ єдино єсмѧ“ (Іо. 10. 30.), каже Іисусъ Христось на іншомъ мѣстѣ. Если же Сынъ и Отецъ одно суть, то изходеніе св. Духа, котрый по науцѣ самыхъ навѣть схизматиковъ походить отъ Отца, належить отнести и до Сына, бо Сынъ и Отецъ се одно! Та треба мати розумъ въ головѣ и серце просте въ груди, чтобы се зрозумѣти и исповѣдати! Бѣда, якъ кто ихъ не має!

Такъ читала св. Церковь Христова и такъ розумѣла и такъ вѣрила сѣ слова по всѣ вѣки почавши отъ Апостоловъ. А не потребовала сего выразно зазначавати, что св. Духъ походить и „Отъ Сына“, бо першъ христіяни, вѣрнѣ и послушнѣ сыны св. Церкви, мали розумъ въ головѣ и простое не лукавое серце, и якъ вѣрили въ походженіе св. Духа отъ Отца, такъ вѣрили въ походженіе и отъ Сына, бо они знали добрѣ слово Іусове: „Ізъ и Отѣцъ єдино єсмѧ“ (Іо. 10. 30.) и се другое: „Есѧ, єлїка йматъ Отѣцъ, м旣ъ сѣть“ (Іо. 16. 15.). — Коли же деякъ зъ христіянъ потратили розумъ тай уперто и лукаво зачали учiti, что св. Духъ походить лишь отъ Отца, а отъ Сына нѣтъ, (бо якъ піаній плота, ъмилися одного мѣста св. Письма замикаючи очи на другѣ поясняючѣ слова), тодѣ св. Церковь выразно зазначила словомъ „и Сына“ сесю вѣру, котру одержала отъ Апостоловъ и заховала черезъ довгѣ столѣтія.

Видиши, брате, людямъ здороводумаючимъ, не треба пригадовати, что треба ходити долу ногами, а гору головою, бо се каждый знає. Але якъ бы такъ прийшовъ якій изъ Америки, котрый тамъ научився всякихъ комедій, и зачавъ по селу ходити долу головою, а гору ногами и почавъ еще и другихъ учiti сякою комедію, то цѣлое село ъмилобы говорити, что не годовою,

1926. рокъ.

„БЛАГОВѢСТИКЪ“

Сторона 7..

але ногами треба ходити. Але своимъ дѣтамъ, котрѣ, може и собѣ зачалибы козловъ вывертати и горѣ ногами ходити, наказовавшись, абы залишили сяку дивовижу, а ходили якъ здоровъ люде.

Ось такъ здѣлала и св. Церковь. Якъ схизматики-баламути почали вывертати вѣру до горы коренемъ и перекручовати св. Письмо, (бо потратили головы и погубили серце), тогды св. Церковь, ся едина, свята, соборна (каѳолическа), апостольска Церковь, додала у символъ вѣры до слова: „Вѣрю во Духа святаго... иже отъ Отца“ еще и слово и „и Сына исходящаго“.


— Она черезъ се слово нѣчого не змѣнила изъ своеї вѣры, анѣ нѣчого не додала до своеї давної вѣры, але *выразно* вызнала се, во что вѣрила, учила и вызнавала отъ давенъ давна!

Ци розумно теперь? Якъ айно, то затямъ собѣ се добре и для себе и другимъ абысь потолковавъ, а не позволивъ схизматикамъ оббреховати св. Христову Церковь.

А такимъ схизматицкимъ агитаторамъ ставиме и мы *вопросъ*, най намъ дадуть розумного отвѣта. Ісусъ Христосъ, каже: „Отецъ мой колїй мене єсть“ (Ів. 14. 28.). А чому жадень схизматикъ не важится разомъ зъ Аріемъ мерзавцемъ учити, что Божій Сынъ есть *менший*, якъ Богъ Отецъ, але вызнають Ісуса Христа „Единосущна Отцу“? Утки схизматики взяли сесѣ слова, най покажутъ *изъ* котрого мѣста св. Писанія узяли?

1. I. 1926.

P. C.



Въ Назаретъ.

Lagerlöf Zelma.

Разъ, коли Іисусъ еще лишь пять роковъ мавъ, сидѣвъ на порозѣ роботнѣ свого отца и выробльовавъ изъ глины малъ потята. Глину получивъ одъ сусѣднаго гончаря.

Сего гончаря никто не любивъ въ цѣломъ городѣ. Дѣти не смѣли одозватися до него, бо бывъ все хмуравый и не порушали его ни прошеня, ни облестивъ слова, ни ніякѣ благаня.

А онъ самъ не знае якъ могъ быти противъ него такій добродушный! Тамъ стоявъ на сходахъ и тужливыми поглядами слѣдивъ за роботою сусѣды, коли гончаръ приступивъ до него и подавъ ему только глины, что выстало и на цѣлый великий пивнякъ.

Не далеко одъ Іисуса передъ хижою сидѣвъ и малый Юда. Паскудный хлопчикъ зъ червенымъ волосемъ, на лицѣ синяки, одежа ряндава, что раздеръ на улицѣ, коли бивъ ся зъ хлопцями. Але теперь тихо сидѣвъ, якъ и Іисусъ и выробльовавъ такожъ потята изъ глины, что подѣливъ зъ нимъ Іисусъ.

Зготовленъ потята положили дѣти вокругъ себе. Всѣ съ потята были однакѣ; ноги, то мала куля изъ глины, хвостъ короткій, шиць не мали, а крылята зовсѣмъ непотрѣбнѣ. Однакожъ велика розница была меже потятами обохъ дѣтей.

Потята Юдинѣ все перевернулися, утративши свою ровноту, и хотя якъ старався ихъ выробити, робота не ішла. При роботѣ крадкомъ все попозеравъ на потята Іисуса, котрѣ гладкѣ и ровномѣрнѣ были, якъ листя дубовѣ на горѣ Таворской.

И малый Іисусъ дуже радовався своимъ потятамъ. Николи еще не чувъ себе такимъ щастливымъ, якъ теперь, и думавъ что по сему уже не буде залишений, самотныхъ, коли матери не буде дома. Бо съ потята будуть его товариши, его братчики, котрѣ зъ нимъ будуть stati, ему спѣвати, его забавляти.

На улицѣ ишовъ чоловѣкъ, водоносъ, на плечахъ тяжкѣ ведра носивъ, а за нимъ купецъ съ зеленинами. Водоносъ приступивъ до Іисуса, положивъ на его плечи руку и почавъ размовляти о потяткахъ.

И малый Іисусъ розповѣвъ ему, что кождое потя має свое имя и что они и спѣвати знаютъ; они прилетѣли зъ чужихъ крайовъ и оповѣдають ему чудеснѣ рѣчи. И малый Іисусъ почавъ ему оповѣдати и то такъ цѣкаво, что тѣ чужѣ люде довго не думали на то, что часъ уже дальше продовжати лорогу.

Коли рушилися, Іисусъ указавъ на Юду:

— Позерайте, якѣ краснѣ потята знае Юда зробити!

Купецъ бывъ добродушнымъ чоловѣкомъ и условивъ Юду и позвѣдавъ его, ци и его штицѣ мають имя и ци знаютъ спѣвати.

А той не одповѣдавъ ничего! Мовчавъ уперто и не подняв очи на чоловѣка. А купецъ розсердився на него и изъ досады розтоптивъ одно глиняное потя и одойшовъ.

Такъ пошло цѣлое дополудня. Сонце уже склонило до западу и золотыми лучами засвѣтило весь городъ. И съ лучи все позолотили, все зафарбили, что лишь нашли на той узкой улицѣ. Пофарбили пивнякъ гончаря, дошку плотника, Іосифа, и бѣлу хустку, что была на головѣ Марії, матери Іисуса. Але найкрасще блещали лучи въ тихъ ставкахъ, котрѣ позбералися

1926. рокъ.

„БЛАГОВѢСТНИКЪ“

Сторона 9.

меже великими камѣнями на улицѣ. И Іисусъ видячи сѣ блисцѧчѣ воды, нагло задѣвъ ручки свои до воды. И пришла му велика думка: что бы было, если бы онъ зъ тою водою пофарбивъ свої сѣрѣ потята и они стали такими красными; золотыми, якъ вода, хижи и все что около него е.

И сонечнѣ луки повиновалися малому дѣтяти; и якъ Іисусъ помастивъ зъ водою свою потята, фарба зостала на нихъ и покрыла глинянѣ потята золотымъ свѣтломъ.

Юда — кто крадкомъ все дивився на Іисуса, ци не має онъ большѣ и красшѣ потята — закричавъ зъ диву, якъ увидѣвъ якъ красно зафарбивъ Христосъ золотыми лучами сонця свою потята. И тогды и онъ замачавъ руки свои до болота, чтобы зловити луки. Але они не далися. Все выскочили изъ его рукъ, и хоть якъ скоро и спѣшно вхопивъ ихъ, они все таки не зостали въ его рукахъ, такъ что ніякъ не могъ для своихъ потять найменшоѣ красы придбати.

— Чекай, Юдо — загойкавъ Іисусъ — пойду я до тебе и пофарблю твоѣ потята.

— Нѣть — крикнув Юда — не треба! Не хочу, чтобысь доткнувшись до моихъ потята. Най зостануть такими, якъ суть. Добрѣ будуть и такъ.

Вставъ и стиснувъ зубы. И потомъ розтоптивъ всѣ свою потята сердито.

И тогды пошовъ до Іисуса и за якійсь часъ тихо дивився на краснѣ потята Іисуса, котрѣ блищали, якъ діамантъ. Потомъ ступивъ на одно потя и розтоптивъ его.

Коли поднявъ ногу и видѣвъ, что потя розмѣсилося подъ его ногою якъ мокра глина, засмѣявся голосно и ладився и другъ розтоптати.

— Юдо! — закричавъ Іисусъ. Что робиш? Та не знаешь, что сесь живуть и спѣвати знаютъ!?

— Але Юда лишь смѣявся и розмѣсивъ еще одно.

Іисусъ розпозерався, глядаючи помочи. Бо Юда великий бывъ и сильный. Мамку свою глядавъ очами. Але мати далеко била. Доки прійде ему на помочь, доти Юда розтопче всѣ.

Очи наповнилися слезами. Юда уже четыри потята розмѣсивъ, а не зостали лишь трое.

Поплескавъ ручками, чтобы збудити ихъ на житя и загойкавъ:

— Лѣтайте! лѣтайте!

И на се потята покивали крылатами и нагло поднялися въ воздухъ и сѣли на дахъ хижи.

Коли се Юда увидѣвъ, что на слово Іисуса потята ожили и одлетѣли, почавъ горько плакати. Ємився за волося, якъ тѣ люде, котрѣ великій жаль мають и припавъ до колѣнъ Іисуса

Сторона 10.

„БЛАГОВѢСТИНИКЪ“

1926. рок.

и тамъ зоставъ въ болотѣ. Цѣловавъ его ноги и просивъ, чтобы Іисусъ и его розтоптавъ, якъ онъ розтоптавъ глинянѣ потята.

Бо Юда любивъ Іисуса, цѣнивъ, честовавъ его, але разомъ и ненавидѣвъ.

А Марія, котра видѣла все то, что сталося, пришла, взяла на руки Юду и погладила.

— Ты, небога дѣтино! — казала. Ты не знаешь, что ты попробовавъ такое великое дѣло, что никому ие удастся. Най николи въ животѣ не прїде тобѣ въ гадку такое, если не хочешь стати найнешастливѣйшимъ чоловѣкомъ на свѣтѣ. Бо кто бы знатъ зъ насъ зъ Нимъ змагатися, зъ Нимъ, кто зъ сонечнымъ лучомъ знае фарбити и житѣ дунути въ мертву матерю!?

Досталисьме вульховску церковь!

Пять роковъ тому, что въ Вульховцяхъ (ж. Мараморошка) дня 22-го дециембра 1920 года схизматики забрали изъ фары ключъ церковный отъ тогдашнего бл. п. духовника о. Михаила Егрешія и забрали церковь. Черезъ нѣсколько мѣсяцівъ и єго вывели изъ фарского дома. И отъ того часу начавъ пановати „атьоць“ Андрей Рацинъ (изъ чорного роду шардовскаго). И благочестивъ вульховскъ вѣрники горько терпѣли иго схизматицкое, але надѣю не утрачали и непоколебимо выдержали при гр.-каѳ. вѣрѣ. Неутомимо боролися за свою правду. Неизчислимо много топтали пороги канцелярії жандармскої, главнослужновскої, жупанскої, школьнаго отдѣла, вицегубернаторскої и губернаторскої. За пять роковъ не могли свою церковь достати. Изъ фалшивої ласки Пешекової лишь въ одной держ. школѣ мусѣли отправляти свої богослуженя. Але изъ Рациновскимъ православіемъ тученѣ „студенты“ вечернаго курса неграмотныхъ еще и тамъ беспокоили ихъ. На стѣнахъ учебної салѣ стыднѣ надписи и образы рисовали. Лишь то есть тоже смутное дѣло, что сесю пакость не жиды, або якийсь тамъ поганинъ-турокъ, — но крещенѣ русины своимъ руськимъ крещенымъ братямъ робили. Уряды такожъ дуже холоднокровно дивилися на терпѣнія и нарѣканя гр.-каѳ. вѣрниковъ и уже где-котрѣ изъ нихъ и не „обѣцяли“ помочи.

Урядникъ Севлюшскаго жупаната Kriebel то твердивъ, что: „Popъ, a popъ то едно!“ Схизматики то знали. Такожде и то, что еще Kriebel смѣвъ правотити Александра Хиру, духовника гр.-каѳоликовъ, бо сесь смѣвъ слова Крибловъ въ живѣ очи повѣсти. Схизматики смѣялися надъ распоряженіями. Мы имъ указовали, что на плакатѣ Губерніѣ то стоить, что всячина наше, аще и въ меньшости есме. А имъ Рацинъ то толковавъ, что жу-

1926. рок.

,БЛАГОВѢСТИНИКЪ“

Сторона 11.

панскій урядъ вызыває ихъ, абы подали своє выголошенія изъ церкви, если хотять „*v budoucím ižetřiti zdlouhavé a nepohodlné formality přestoupení z církve*“ (изъ дня 23. III. 1923). Но само тогда процесь о церкви изъ формальностями намъ не угодными протягався. Рацінъ некарано писавъ въ крестнѣ листы изъ гр.-каѳ. метрикъ выписанѣ „православное“ вѣроисповѣданіе, на мѣсто „гр.-каѳ.“. Аproto метрики за 5. роковъ лишали у него!

Не говори брате, что „мякъ тъ люде, коли они такое терпѣли!“ О нѣть! То вульховскѣ гр.-каѳолики не терпѣли зъ зложенными руками. Непрестанно трудилися. Лишень въ Ужгородѣ больше якъ 30 разъ были. Честовали своего душпаstryя. Въ селѣ не могли помѣстити анѣ Александра Хиру, анѣ Іоанна Егрешія, сего ревного молодого священника. — Духовники ихъ перемѣнили или въ Нересницѣ или въ Терновѣ мусѣли жити. Но вѣрники въ кажду недѣлю и въ каждый праздникъ привезли ихъ до Вульховець. Безъ службы Божѣ не годнѣ были жити, бо они часто сповѣдалися и часто причащалися. Позерайте! Евхаристичный Іисусъ допомогъ имъ потерпѣти ажъ до конця. Дня 17-го децембра 1925. послѣ пятирочного мученического терпѣнія достали церковь.

Того дня прийшовъ до Вульховець окр. начальникъ др. Комаринський изъ Тересвы. На основѣ рѣшенія министерства школьн. и нар. просвѣщенія. (чис. 40.543/25-VI. изъ дня 3. VII. 1925.), передавъ намъ не лишенъ церковъ, но и всѣ церковнѣ землѣ. Схизматики знали о передачи, зато вже 10. XII. всячина забрали изъ церкви. Хотя самъ призналися, что они тѣ вещи „не имѣли въ полномъ и неограниченномъ владѣнії“, однакъ ризы, книги и пр. перенесли до Раціна на фару. (Та представте собѣ, ци може быти мила Богу така жертва, которую Єму приношають отъ въ такимъ способомъ „зыченыхъ“ ризахъ?!) Фарскій домъ лишь зато не передався намъ, бо „казали“, что Рацінова дѣвка чось хвора. Комиссія также розмилосердовалася надъ нею и „атьоць“ Рацінъ лишь 1-го января долженъ оставили фару. Але схизматики небыли такъ милосерднѣ до бл. п. Михаила Егрешія. Коли вивожували 'го изъ фары не дозволили 'му еще и молока изпарити на путь. Мѣсто того окропъ правды попаривъ теперь схизматицку ложъ. За Раціномъ примирили церковь о. архидіакон І. Егрешій изъ Тячева. о. Алексій Мирошай и І. Егрешій, (новоназначений вульховскій администр.). Такъ вступили въ спокойное владѣніе своеї церкви вульховскѣ гр.-каѳ. вѣрники. Честь и слава имъ!

Подъ гнетомъ схизматицкимъ терпящі руськѣ братя! За ними! Они протоптали дорогу для всѣхъ. Правда побѣдить и большинство и большевицтво, бо сильнѣйша якъ Криблы, Гагатки и ихъ секретарь. — Лишь робъмъ и Богъ намъ поможе! (1/3).

Наверненіе о. Морозова, архимандрита духовноѣ семинариѣ въ Вильнѣ.

О. Филипъ Морозовъ бывъ за довгій часъ архимандритомъ схизматицкоѣ духовної семинаріи въ городѣ Вильно (Полща). Но познакомивши ся зъ каѳолическою вѣрою выступивъ, изъ вѣры схизматицкоѣ и присоединився до Христової Церкви. Изъ ссѣ нагоды написавъ слѣдуюче письмо свому бывшому настоеателю, архіепископу Феодозію:

„По довгомъ розважаню рѣшивъ я зробити рѣшучій крокъ и вступити въ тое товариство церковное, котрого найвысшою головою есть римскій отець. Сповнивъ я черезъ сей крокъ приказъ моеѣ совѣсти, бо я пересвѣдчився, что тамъ е правдива Христова Церковь, где св. Петро е и его наслѣдники.

Сесимъ письмомъ хочу я Вашої Ексцеленціи подяковати, за всю ту ласку, что вы до теперь противъ мене указали и разомъ попращatisя зъ моими спврботниками, зъ котрими дальше виедно працовати уже не можу.

Попращаючися зъ Вами прошу Васъ, повѣрьте ми, что мой крокъ не е зрадою того, что менѣ все дорогое было и то: правдива вѣра и любовь къ моему народу. Правда, ставъ членомъ каѳолическої церкви, але зоставъ вѣрнымъ до чистоѣ и правдивоѣ православної вѣры, яку исповѣдали св. отцы и учитель еще нераздѣлноѣ церкви. Не зрѣкаюся ани одного догмата той правдивої православної вѣры, якъ и не мушу зрѣкатися нашого прекрасного восточного обряда и языка церковного, на якомъ одправляли великѣ славянскѣ апостолы: св. Кириль и Меѳодій, котрый обрядъ и языкъ Римъ правѣ такъ уѣзнавъ и ухваливъ, якъ обрядъ и языкъ латинскій.

Признання верховної власти римского отца въ Церкви Христовой не забороняє мене зостати вѣрнымъ сыномъ моего горячо любимого народа, само так, якъ Володимира Соловьева, кто е дорогоцѣннымъ скарбомъ россійскаго народа. Бо чому бы мала потерпѣти моя любовь къ моему народу черезъ вступъ до христ.-каѳолицкої церкви, въ котрой находяться всѣ народы цѣлого свѣта безъ нарушання своеї народности.

Знаю навпередъ, что Вы въ вашихъ церквахъ выголосуете на мене церковну клятву и называти будете мене одступникомъ. На семъ не чудуюся и навпередъ отпускаю вамъ, бо вы, котрѣ одступилисте одъ Риму и считаете себе ишоѣ вѣры, иншакъ и не можете дѣлати.

Але я вѣрю, что ваша клятва не пошкодить моей душѣ. Черезъ вашу клятву не одлучите мене ани одъ мистичного тѣла Іисуса Христа, ани од любви къ Нему. И понеже я Христа и Его церковь такъ горячо люблю, буду и Васъ дуже любити моеѣ братя. И буду молитися за Васъ, за ту велику ласку, котру удѣливъ менѣ Всемогущій; чтобы и вы нашли ту дорогу, котра

1926. рокъ.

„БЛАГОВѢСТИКЪ“

Сторона 13.

веде до той скалы, на которой самъ Спаситель збудовавъ свою Церковь и на которой одиноко може и православна вѣра захоронитися въ нынѣщныхъ часахъ блуда и безбожія.

Не глядайте Вы основу Вашоѣ Церкви ни въ Москвѣ ни въ Царьгородѣ, ани въ Canterbury у протестантовъ, але у правдивом осередку христіянскѣ едности — въ Римѣ.

•
Филипъ Морозовъ“.

Виедно зъ Морозовомъ вступили въ гр. каѳол. Церковь и два священники: о. Сургило и о. Дзечковскій. Всѣ тѣ священники задержали свой восточный обрядъ, таже стали не римо-але греко-каѳоликами.

Римскій Отецъ одправивъ св. службу по восточному обряду.

Одъ дня 8-го новембра одбылися въ Римѣ торжества на память первого вселенского собора. На сѣ торжества прикликанѣ были всѣ восточнѣ митрополиты, епископы, чтобы виедно зъ западными христіянами праздновали память того собора, что такожъ спольно держали въ Никею года 325., т. е. 1600 роковъ тому назадъ. Иэъ сеѣ нагоды въ храмѣ св. Петра самъ римскій Архієрей XI. Пій одправивъ св. службу Божу по восточному (грецкому) обряду въ супроводѣ восточныхъ церковныхъ достойностей, изъ которыхъ въ службѣ Божїй участъ брали: патріархъ антіохійскій Дим. Кадій, митроп. румунскій Сучію, епископъ пряшовскій Діон. Нярадій, еп. сирійскій Коріятый и пр. Окремъ сихъ присутнѣ были много священниковъ восточного обряда, облеченихъ въ церковныхъ одежахъ. Все одкончилося по гречески, лише Вѣрую прочитали по латински и по греки.

Подъ часть римскихъ торжествъ выложили на публичное почитаніе „нерукотвореный образъ Христа Спасителя“, передъ которымъ римскій отецъ за одну цѣлу годину клячучи молився.

Римскѣ торжества дали свѣтлый доказъ того, что восточнѣ и западнѣ христіяне могутъ соединитися въ одной вѣрѣ подъ головою римского отца, задержаючи свої окремѣ обряды. Если давно, больше якъ за 1000 роковъ знали восточнѣ и западнѣ христіяне жити въ мирѣ и згодѣ и на вселенскихъ соборахъ виедно радитися о справахъ вѣры, чому бы не могли и теперь спольними силами stati на оборону Христової вѣры?! Лишь доброѣ волѣ треба и горячоѣ любви къ Христу!

Шириться думка церковного соединенія и въ Румунії.

Въ Румунії жіе около 1.500,000 греко-кат. румуновъ и больше тысячей украинцовъ-русиновъ такожъ греко-католиков. Ale и межи несоединеными румунами шириться думка унів т. е. церковного соединенія.

Славнѣйшъ писатель, политики, ученъ, навѣть священники з высшого клеру явно и публично голосять и розширяють думку соединенія.

Проф. Авг. Scriban „Galati Noi“: „Я думаю, ёсли бы мали политичну зрѣлость, мы бы уже давно залишили православіе, якъ есме залишили уже славянску азбуку и юліанскій календарь; если бы мы стали греко-каѳоликами наша власть чрезвычайно подросла бы такъ на востоцѣ, якъ на западѣ и были бысме одлученъ одъ москальовъ, котрѣ суть нашими природными ворогами“.

Але єще важнѣйшъ суть слова епископа схизматицкого Вессарона (въ Bältzi), чо скажавъ въ Гукареши гъ найвишшемъ церковномъ соборѣ: Нашъ духовенство въ загалѣ безъ всякої дѣятельности, бо оно изъ одної части слабо приготовленое, а изъ другої стороны перенятое духомъ матеріализма нашого столѣтія. Вѣрники далеко стоять одъ духа Евангелія, жіуть въ хмарѣ неукости и въ струяхъ забобоновъ и не знаютъ іншого изъ христ. религії, якъ внѣшнѣ церковнѣ обряды, что перебрали одъ своихъ предковъ... Я, якъ епископъ маю стояти въ службѣ правды и мушу смѣло и безъ боязни выповѣсти ту правду, что на цѣломъ свѣтѣ лишь одень патріархать е. котрый може всѣхъ христіянъ соединити, а то римскій отецъ. Сей патріархдть стоить просто, бо онъ має основу силну, має організацію на цѣломъ свѣтѣ и має вѣрниковъ изъ всѣхъ народовъ свѣта“.

И сѣ слова казавъ не католицкій епископъ, але „православный“ и то на засѣданю найвишшого собора церковного въ присутности всѣхъ епископовъ цѣлоѣ Румыніѣ.

Такъ мудрѣ румуни говорять и пишуть о святомъ дѣлѣ церковного соединенія. Въ немъ видять спасеніе душъ и туземное добро всего румунского народа. У нась батюхи наро-комъ на томъ працають, чтобы черезъ схизму одорвати русиновъ одъ скалы св. Петра и друтити ихъ въ душевну и матеріальну пропасть.

Читайте и розпространяйте

„Благовѣстникъ“!

1926. рокъ.

„БЛАГОВѢСТИКЪ“

Сторона 15

Новости

— Однимъ крокомъ близше къ соединенію Востока. На конци мѣсяця септембра одбылися въ Брюсель (Белгія) нарады о соединенію Церкви Восточної. Присутныхъ было 450 особъ, изъ нихъ много восточныхъ, головно великороссовъ. Всѣ бесѣдники заявили, что присоединеніе Востока можно досягнути не дискусіями, але одиноко путемъ любви и взаимного порозумѣнія. Подчасъ зѣзда каждый день отправлялся божественна Литургія на восточномъ обрядѣ. Слезы ллялися изъ очей россійскихъ емігрантовъ, коли на далекомъ Западѣ чули и видѣли свой властный обрядъ въ новомъ блеску и величію. На зѣздѣ присутній бывъ и велику бесѣду державъ львовскій гр. каѳ. митрополитъ гр. Андрей Шептицкій. Онъ выразно подчеркнувъ въ своей бесѣдѣ, что Христова Церквовъ не пожадає переходъ на „каѳоличество“ але присоединеніе на основѣ ученій св. отцовъ восточныхъ, котрѣ всѣ были членами каѳол.-оѣ Церкви. Доки се случается въ Брюсель, доти у насть безсовѣстнѣ агитаторы на томъ працаютъ, чтобы одорвати русиновъ одъ Христомъ основаноѣ скалы св. Петра... Чоловѣку ганьбитися треба передъ свѣтомъ, что люде у насъ повѣрять всяkimъ пройдисвѣтамъ и идуть за ними въ душевну пропасть.

— Апостолскій престолъ получивъ пристань. Од року 1870. римскій отецъ не выступивъ з палаты Ватикану, на знакъ протесту, что забрали од него всѣ маєтки „церковної державы“. Нынѣшна влада италійска односиться до апостолскаго престола дуже прихильно и за дуже низку цѣну перепустила ему ту землю, что сягає од Ватикану до моря. Сяк Римскій отецъ може свободно сообщатися з цѣлымъ свѣтомъ, безъ того, чтобы принужденъ быв ступити въ територію италіскої державы.

— Священникъ, министромъ заграницыныхъ дѣлъ. Литванска республика выименовала за мини-

стра заграницыхъ дѣлъ о. Mieczys Reinys-a рим. кат. священника. У насъ також оден священникъ е министромъ, и то msgr. Шрамек, министромъ почты.

— Россійска церковь хоче соединитися з Римомъ. На соборѣ, что мѣсяця октобра держали въ Москвѣ поднялася думка докончити 1000 лѣтну схизму, меже западною и восточною церквами и зновъ соединитися, такъ, якъ было до 1054-го року. Митрополитъ Веденскій заявивъ, что всѣ галузи христіянскої церкви повиннѣ теперь соединитися и конгресъ уже працуе надъ усуненiemъ разницъ меже двома церквами. Россіяне —

сматрячи на розбитя и заненад восточноѣ церкви — уважають злуку не только за можливу, але и за корыстну и желаему. (Миссіонар в Америцѣ).

— **Назад у Христову Церков!** Панъ Ф. М. Бидвел, жона англиканского (кальвинского) єпископа оставила протестанску вѣру и стала каѳоличкою. Еѣ муж зрезигновав з єпископства англиканскоѣ вѣры.

— **Комунисты и вѣра.** Як комунисты честують вѣру, коли добилися до политичної власти, явно з того, что роблять в Россії з церквами. „Духовна Бесѣда“ принесе слѣдуючу

вѣсть. „Совѣтска влада монастырь и церковь Александр. Свирицьку зліквидовала и перетворила на музей и склад. Матеток Ал.-Невскоѣ Лавры роздѣлила меже тихоновцями, живоцерковниками и обновленцями. В Москвѣ заперли монастырь Маріо-Маріянскій. Одну церковь Донского монастыря перемѣнили на крематорію, где на поганскій способ людскѣ трупы будуть спальвати. Так то безбожники-комунисты роблять з христіянскими церквами, там где народ при выборах на комунистов голосував. Теперь бы и россіяне стрясли з шиѣ, але уже не мож. (Дух. Бес.)

Переписки редакції.

Ізъ мисійного руху помѣщено буде въ слѣдуючомъ числѣ.

Вас. Ряшко. Треба вамъ знати добрѣ, что Христосъ лишилъ одну вѣру основав. Но уже одѣ початку въ сей вѣрѣ были два обряды: восточный и западный. Вѣрники обого обряда жили мирно и въ згодѣ подъ управою наслѣдниковъ св. Петра, римскихъ отцовъ до 1054 года, коли Керуларій (пerezже же Фотій) константиноп. патріархъ одорвавшися одѣ престола св. Петра и заосновавъ для восточныхъ окрему вѣру. До того часу христіяне называли свою вѣру кафтолическою, что только значить, что всягде е, на цѣломъ свѣтѣ, але разомъ называли и правдивою, т. е. православною. Но коли восточнѣ одорвались одѣ Христової церкви, уже не хотѣли себе кафтолическими называть лишь православными. Но могутъ они себе хоть якъ красно называть коли не належать до Церкви Христової, но одступили одѣ нѣ. Назва то не важна, головное то, ци е чоловѣкъ вѣ Христ. церкви ци нѣт! Замовляйте собѣ „Благовѣстникъ“ въ немъ о семъ вопросѣ богато писано.

Воззваніе на предплату.

„Благовѣстникъ“ и въ семъ року хоче смѣло и отверто оброняти нашу отцевскую гр. каѳ. вѣру. Кождый вѣрный христіянинъ має стати его предплатникомъ и читателемъ. Такоѣ дешевоѣ новинки не е на цѣлой Подк. Руси. Предплата на рокъ: 10 Кч. Грошъ треба посылати: **Монастырь О.О. Василіянъ Ужгородъ.** Всякѣ письма же на адресу: **Редакція Благовѣстника, Ужгородъ. Капит. ул. 10.**

Выдає: Монастырь О.О. Василіянъ
въ Ужгородѣ.

Отвѣчательный редакторъ:
Емиліянъ Бокшай.

Книгопечатня О.О. Василіянъ въ Ужгородѣ. Раковця ул. (Монастырь).

JOSEF NEŠKUDLA NOVÝ HRADEC KRÁLOVE

Чсл. Р.

Посылає скоро за половину цѣны: Ризы, стихары и всѣ потребнѣ одежи для гр.-каѳ. литургіи, заставы, иконы од акад. художников, чаши, олтарнѣ свѣчники, лустры, кресты, одежи и пр. найдешевше.

При новых замовленях скоро задаръмо поправляє старъ одежи.

Сукна и моднѣ материалы панскѣ

и дамскѣ униформовѣ, тепихы, церковнѣ сукна, тотовѣ реверенды, етихары и одежи продають найдунше по взорах, котрѣ высилаєме на жадане.

Выробы сукон HEZINA A SPOL. Humpolec

заприс. доставцѣ Церковного Товариства для Члов. Реп.

ПЕРВОЕ И ЕДИНСТВЕННОЕ ДРУЖЕСТВЕННОЕ ПОДПРИЕМСТВО

„СОЛ“

СВѢЧКАРНЯ И ВОСКАРНЯ В КОСМОНОСАХ

заложено и ведено духовенством и лідовцямъ, допоручує свои перво-
ряднѣ выробы, церковнѣ свѣчки каждого рода, восковъ, полвосковъ,
крашенъ и луксусно здобленъ, такожъ стольнѣ свѣчки всякого рода,
мыло до праня и тоалетове, крем на обув, воск и крем до паркетов.
Од духовенства купуєме пчолячий воск, отпадки из свѣчок или вы-
мъняємо за свѣчки. Всему прев. духовенству, сл. патронатным уря-
дам, господарским дружествам и всѣм католицким сполкам до ла-
скавоъ вѣдомости под гаслом: „СВОЙ ДО СВОГО!“

Начинається місійний рух въ цѣйї нашей енархії. : В нынѣйших часах и не можеме представляти собѣ успѣшных місій без

вѣрооборонных брошюрок.

Редакціѣ „Благовѣстника“ и „Душпаstryя“

мають на складѣ такѣ добрѣ брошурки, что сим путем горячо
вручаеме во увагу всѣм священникам и вѣрникам:

1. М. Гелебан: Где глядати правду? Кч 1.— с.
2. Ем. Бокшай: Наверненіе о. С. Дзюбая, шизм. епископа. Кч — 20 с.
3. М. Режанюк: Як я вытвerezився из шиэм. блуду . . . Кч — 10 с.
4. Забужный: Римскѣ отцы и вселенскѣ соборы Кч — 40 с.
5. „ Римскѣ отцы и учение восточных отцов . . Кч — 40 с.

Можна их заказати: Книгторговля „Уніо“, Ужгород, Корятовича ч. 10.

— Съ брошурки мають вѣти наши вѣрники перечитати! —



Заложуйте свои вкладки до Централи або до філіялів

ПОДКАРПАТСКОГО БАНКЯ

Стан вкладок повысше 10,000.000 Кч.

**В всяких финансовых и господарских дѣлах доставить Вам
скору, точну и бесплатну пораду**

ПОДКАРПАТСКІЙ БАНК В УЖГОРОДЪ

**Своими заощадженными гелерами при доброму опроцентованю
капитала подпирайте свой народный**

ПОДКАРПАТСКІЙ БАНК В УЖГОРОДЪ

Свой до свого! Истинно народна, руська и славянска институція

ПОДКАРПАТСКІЙ БАНК В УЖГОРОДЪ

**Пересилки доляров до Америки з дозволом Банковного Уряду
выконує**

ПОДКАРПАТСКІЙ БАНК В УЖГОРОДЪ

**Переказы до Галичини, Польщъ и до других держав Европы
и Америки выконує найвыгоднѣйше**

ПОДКАРПАТСКІЙ БАНК В УЖГОРОДЪ

**Америцкѣ десеквестраціѣ, асекураціѣ и компензаціѣ за померших
в Америцѣ переводить**

ПОДКАРПАТСКІЙ БАНК В УЖГОРОДЪ

**За вкладки (льокаціѣ) ощадностей и капитала платить наш
ПОДКАРПАТСКІЙ БАНК В УЖГОРОДЪ**

5%—6%.

**Подорожну канцелярію, продаж жељезнодорожных карточок на
цѣлу територію Чсл. Республики и до всѣх сторон свѣта має**

ПОДКАРПАТСКІЙ БАНК В УЖГОРОДЪ

